



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 КТПО 0011784 16
Sarajevo, 19.12.2022. godina

SUD
BOSNE I HERCEGOVINE
SARAJEVO
Sudiji za prethodno saslušanje

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

О П Т У Ж Н И Ц У

Protiv osumnjičenog:

BRZICA ZORANA, [REDACTED] rodenog [REDACTED] 1963. godine u Donjim Mamićima, [REDACTED] državljanina Bosne i Hercegovine, [REDACTED]

zbog postojanja osnovane sumnje da je:

dana 13.09.2015. godine, u Grudama, u porodičnoj kući koja se nalazi u mjestu Donji Mamići, [REDACTED], čiji je vlasnik i korisnik, u namjeri da ga proda, pomoću električne mašine za rezanje duhana, ručne izrade, sa natpisom „Rosan“, proizveo 173 kilograma rezanog duhana bez akciznih markica, koji se u smislu člana 6. stav 4. tačka a) Zakona o akcizama u BiH („Sl. glasnik BiH“, broj 49/09 i 49/14) smatra duhanskom preradevinom, čime je postupio suprotno članu 25. stav 1. Zakona o akcizama u BiH, jer se navedene duhanske preradevina u smislu člana 4. stav 2. tačka b) Zakona o akcizama u BiH, smatraju akciznim proizvodom i koje kao takve, prije stavljanja u promet, moraju biti obilježene akciznim markicama na način propisan poreznim zakonodavstvom BiH, a koji je pronađen od strane ovlaštenih službenih lica Državne agencije za istrage i zaštitu, koji su rezani duhan pronašli i privremeno oduzeli prilikom pretresa izvršenog na osnovu usmene naredbe Suda Bosne i Hercegovine,

dakle, nezakonito proizveo proizvode koji nisu obilježeni kontrolnim poreznim markicama na način propisan poreznim zakonodavstvom BiH,

čime je počinio krivično djelo nedozvoljen promet akciznih proizvoda iz člana 210a. stav 1. Krivičnog zakona Bosne i Hercegovine.

TUŽILAC
TUŽILAŠTVA-TUŽITELJSTVA BiH